

綱

卷

筋

筋

皇宋通鑑長編紀事本末

九



皇宋通鑑長編紀事本末 九

江蘇古籍出版社

皇宋通鑑長編紀事本末卷第二十一

徽宗皇帝

禁元祐黨人上

崇寧元年五月乙丑臣僚上言臣聞天下之罪其名不正則天下之善無自而明神考在位凡十有九年所作法度皆本先王元祐黨臣秉政紊亂殆盡明姦罔上更唱迭和氣焰薰炙不可嚮邇者皆神考之罪人也紹聖追復雖以竄逐陛下即位仁德涵養使之自新黨類實煩所在連結罪廢者一旦牽復不以其漸所與過當又復紛然莫之能禦內外相應寢以滋蔓爲害彌甚今皆坐享榮名顯職厚祿大郡以至分居要路疑若昔未嘗有罪者非所以正名

也又曰今姦黨姓名具在文案甚明有議法者有行法者
有爲之唱者有從而和者罪有輕重情有淺深使有司條
析區別行遣使各當其罪數日可畢庶幾得罪名者無所
致怨不憂後禍觀望者消於冥冥之中天下忠臣良士各
得自盡以悉心於上不疑復有害之者以顯神考盛德大
業以成陛下繼志述事之孝而天下可以無爲而治矣伏
望早賜施行詔觀文殿學士知河南府安燾降充端明殿
學士龍圖閣學士知潤州王覲降充龍圖閣直學士樞密
直學士知越州豐稷降充寶文閣待制顯謨閣待制知潁
昌府陳次升降充集賢殿脩撰左朝議大夫集賢殿修撰
知應天府呂仲甫落職故資政殿大學士贈金紫光祿大

夫李清臣奪職追所贈官并例外所得恩例指揮更不施行 庚午臣僚上言伏見先朝貶斥司馬光等異意害政大臣論列布告中外天下共知方陛下即位之初未及專攬萬機之際當國之臣不能公心平意檢會事狀詳具進呈以次牽復今日再招人言遂至煩紊臣愚伏望陛下明諭執政大臣使公共參議詳酌事體原輕重之情定大小之罪上稟聖裁特賜行遣如願有欺君負國之實迹自宜放棄不足收恤其間亦有干連牽掛偏執愚見情非姦誣者乞依近年普博之恩使有自新之路則天下之氣平而紛紛之論息矣

據鄒餘表議其文頗有與詔旨不同者當考然上言者

必鄙餘也更詳之

又言蘇轍坐窮兵黷武之謗如此之類有實迹者宜行放棄又言曾經責降人見今任監司藩部者必不肯公心奉行法度亦乞朝廷契勘改授閑慢差遣又言竊見元符之末廉惟同聽政之日元祐大臣來問用事盡復紹聖間罪責降之人或盡復舊官或超授職任不問其得罪之因惟務合黨扶同異論賴陛下察見弊端力持正道保全神考法度紹復祖宗基業萬世之治自此而定然前後得罪之人所授官職過當與援引之姦不治未厭公論云云伏望聖慈令所屬取上件合該行遣之人或削奪官職或旋行懲戒各以類舉必當其罪即號令簡重刑罰肅清

乙

夏詔故追復太子太保司馬光降復右正議大夫太子太
保呂公著降復左光祿大夫太師河東節度使開府儀同
三司太原尹潞公文彥博降復太保光祿大夫呂大防降
復太中大夫太中大夫劉摯降復右朝議大夫右中散大
夫梁燾降復朝請大夫朝奉郎王巖叟降復定遠軍節度
行軍司馬朝奉郎蘇軾降復崇信軍節度行軍司馬其元
追復官告並繳納贈右銀青光祿大夫王存追所贈官資
政殿學士太中大夫鄭雍追所復職贈右銀青光祿大夫
謚獻簡傅堯俞右銀青光祿大夫謚懿簡趙瞻並追所贈
官及謚告贈太中大夫趙高追所贈官已上告身並追毀
朝散郎集賢殿學士孫升追所復職朝奉郎孔文仲朝散

郎朱光庭宣德郎秦觀延福宮使入內都知定國軍留後
贈安化軍節度使謚僖獻張茂則並追所復贈官贈開府
儀同三司范純仁追例外所推恩數中大夫劉摯莖事依
前宰相例指揮勿行資政殿大學士太子少傅韓維贈開
府儀同三司孫固為係神考潛邸人已復職名及贈官免
追奪太中大夫蘇轍朝散大夫范純粹朝奉大夫吳安詩
吏不叙復職名端明殿學士太中大夫范純禮落端明殿
學士提舉崇福宮朝奉大夫顯謨閣待詔知潁昌府陳次
升降集賢殿修撰朝請郎集賢殿修撰韓川落集賢殿修
撰管勾崇福宮朝奉郎直龍圖閣知汝州張耒落直龍圖
閣管勾明道宮直祕閣朝請大夫知曹州呂希哲朝請郎

知相州劉唐老朝奉大夫知蔡州歐陽棊並落直秘閣差遣依舊朝奉大夫提舉永興軍路刑獄孔平仲朝奉大夫淮南路轉運副使畢仲游朝奉大夫提舉河東路常平徐常朝奉郎知太平州黃庭堅朝散郎知益州晁補之朝散郎軍器少監韓歧朝散郎王鞏劉當時常安民承議郎黃隱通直郎張保源並送吏部與合入差遣朝散郎汪衍濤州防禦推官余爽陳州別駕湯口更不收叙泉州教授鄭俠放罷通直郎常立追所得一子官奉議郎程頤追所復官依舊致仕西上閤門使張英追所復兩官依舊差遣曾經貶責人除遺表及罷政恩例已給還外其亡歿後所復官職已得指揮依舊表條與推恩之人並減半其三人以

上除數聽從多仍並與假承務郎用上件恩例轉官陞資者依此比折磨勘資考年月應送吏部人並令在外指口差遣吏部依條差注承議郎任伯雨準此陳祐張庭堅商倚等任滿送吏部陳瓘管勾冲佑觀龔夬候服闋準此制詞皆右僕射曾布所草定賁光等云尊主死民大臣之職其事上則不敬其謀國則不忠犯義干刑孰大於此爾等遭時艱疾身處廟堂垂簾之際惟口淵嘿退托之間坐肆威福崇聚黨與據諸要塗肆爲詆誣妄議宗廟已行之法度靡不變更所進之人才靡不斥逐以道聽塗說□□□施之政事而不恤於民情以朋比諂諛自謂直諫而不稽於士論蓋內懷怨望好勝遂非而忘事君之義推原罪愆

何可勝誅紹聖躬攬萬幾甫加竄逐朕入纘大服與物更
新而朋邪之人適復在位甄叙眷恤靡不過優言路交章
謂宜追改稍從裁削姑示至公尚其有知庸此陰命責大
防純仁云迨宣仁寢疾彌留永泰陵年已及冠而委政閭
寺莫肯以復辟為言不視長君處之虛器責軾云嘗以謗
訕抵罪神考貸而不誅元祐之間躡登華近挾持親黨鼓
動羣邪肆為詆誣以逞怨望紹聖投之荒裔聊正典刑昨
者地以誤恩復還朝著推原罪惡在所當誅追削故官置
之冗散庶其黨類知所創懲

十一月先責安燾等曾布所草制書今附見姦言無所
忌憚至此固宜存之詔書見二十二日

詔應元祐并元符末今來青降人韓志彥曾任宰臣安燾
係前任執政官王觀豐稷見任從官外

蘇轍

范純禮

劉奉世

范純粹

劉安世

賈易

呂希純

張舜民

陳次升

韓川

呂仲甫

張耒

歐陽棐

呂希哲

劉唐老

吳安詩

黃庭堅

黃隱

畢仲游

常安民

劉當時

孔平仲

徐常

王鞏

張保源

晁補之

高倚

張庭堅

謝良佐

韓政

馬琮

陳彥默

李祉

陳祐

任伯雨

陳邦

朱光裔

蘇嘉

鄭俠

劉昱

魯君貺

陳瓘

龔夬

汪衍

余爽

湯誠

程頤

朱光庭

張巽

張士良

曹燾

趙約

譚表

楊偁

陳恂

張琳

裴彥臣

並令三省籍記不得與在京差違

丙子詔曰昔在元祐

權臣擅邦倡率朋邪誣詆先烈善政良法肆爲紛更紹聖躬攬政機灼見羣慝斥逐流竄其正典刑肆朕纘承與之洗滌悉復收召真諸朝廷而締交合謀彌復膠固惟以沮壞事功報復仇怨爲事翕翕訛訛必一變熙寧元豐之法度爲元祐之政而後已凡所論列深駭朕聽至其黨與則遷叙不次無復舊章或繇冗散之中登殿閣而滿方面或既殂謝之後還舊職而橫加恩玩法肆姦鮮不類此稍從屏

遠姑務含容而言路交攻義不可逼乃擇其尤者第加裁
削以適厥中尚慮中外註誤之人未免反側宜詳示訓諭
以慰安羣情應元祐以來及元符未嘗以朋比附黨得罪
者除已施行外自今以往一切釋而不問在言責者亦勿
復輒言朕言不渝羣聽毋惑宜令御史臺出榜朝堂詔詞
曾布所草定也 已卯翰林學士承旨蔡京爲尚書右丞
閏六月壬戌右銀青光祿大夫尚書右僕射兼中書侍
郎曾布罷爲觀文殿大學士知潤州 壬申通直郎賈文
閣待制新知越州鄒浩爲衡州別駕永州安置 見鄒浩本
事 七月乙酉臣寮上言準尚書省劄子三省同奉聖旨
昨行遣裁削責降元祐人數內輕重失常或漏落之人令

御史諫職彈劾以聞除依詔旨施行除先次彈劾外緣本局文字散漫口口難以檢會犯由比較輕重及指定裁削的確人數伏望特賜睿旨下所屬契勘施行又臣察上言內一項其餘人爲元祐送吏部罷職或監當者今或爲監司或爲要郡其逐一考驗未詳乞令所屬檢尋元犯一例詳酌施行庶無漏落又臣察上言近準尚書省劄子三省同奉聖旨昨行遣裁削責降元祐人數內有輕重失當或漏落之人仍令御史諫職彈劾以聞除依詔旨施行者臣自奉聖旨雖已旋具所見奏劾外緣諫省文案不具艱於檢尋或恐漏落雖加採訪亦恐不真臣竊謂元祐黨人其植根固其流波漫今使言者一一彈劾不惟重煩兼慮遺

落有過之人則於陛下大公之誅有所未均臣伏望聖慈
詳酌更賜指揮下所屬檢會元祐責降人除今來見行遣
外有漏落及輕重失當之人令詳具聞奏施行檢會崇寧
元年五月二十一日三省同奉聖旨應元祐初元符末今
來責降人令三省籍記姓名不得與在京差遣除韓忠彥
曾任宰臣安燾見係前執政官王觀豐稷見任侍從官外
自蘇轍至裴彥臣五十七人姓名見母司乙亥三省同奉
聖旨並依崇寧元年五月二十一日指揮籍記姓名

曾肇

陸佃

王觀

豐稷

王古

李格非

謝文瓘

鄒浩

魯君貺

劉昱

徐常

呂仲甫

朱光裔

馬琮

劉當時

謝良佐 陳彥默 已上更不籍記姓名此據祐聖
故事所錄在洞真宮後已上臣寮上言與故事同但俱
無月日詔語冊在七月初間蔡京三年六月二十一日
所書黨籍猶有朱光裔姓名此九人內除光裔一人累
歷崇寧元年九月十七日陸佃編入黨籍當在七月初
不在九月半也

七月庚戌臣僚上言朝散郎管勾明道宮張耒在潁州聞
蘇軾身亡出已俸於薦福禪院爲軾飯僧縞素而哭詔張
耒責授房州別駕黃州安置 八月丙子詔司馬光呂公
著王巖叟朱光庭孔平仲孔文仲呂大防劉安世劉摯蘇
軾梁燾李周范純仁范祖禹汪衍湯誠李清臣豐稷鄒浩